

**■ TRIBUNA POLITICA**

# Solidarità strapazzada

DA HEINZ BRAND,

CUSSEGLIER NAZIUNAL PPS GR

**E**n la publicità audan ins adina dapli ed adina pli dad aut il clom da la «medischina persunalisada». Quest remiedi miraculus procura dentant era per in dilemma nuditg: In champ da tensiun etic tranter innovaziun farmaceutica ch'empermetta levgera tar grevas malsognas e pretschs da fantasia nunresponsabels per grevezza da las cassas da malsauns. Co giuditgain nus la valur en il cas singul? Las speranzas giustifitgadas dal grev malsaun u ils custs da tractament che mettan en dumonda a moda maisudida la stabilitad finanziala da nossas cassas da malsauns?

**I**vegnan mess en vista successs incredibels: La pazienta da cancer sappia tuttenina vegnir medegada entras in medicament zunt efficient cunter cancer. In pitschen uffant che pite-scha da la degeneraziun da las musclas che duai tuttenina obtegnair la schanza d'ina vita accumulada. Nunchapibel – e per regla era nundeclerabel – èn savens er ils custs enorms d'inmez milliun francs e dapli ch'engrevgieschan pervia da lur «terapias sin mesira» las cassas da malsauns ed en ultima consequenza era quels che pajan las premias.

**N**us na lain en nagin cas metter en privel las acquisiziuns impurtantas da noss sistem d'assicuranza da malsauns, numnadain l'access da la popu-



laziun a terapias efficientas. Malgrà quai na pon ins betg impedir ina discussiun difficila tranter custs e niz da la medischina persunalisada. La confederaziun na vegn perquai betg a pudair impedir da definir directivas cleras e fairas per surpigliar ils custs da questas terapias che custan fitg bler. Quai è la finala dentant mo lura pussaivel sche l'industria farmaceutica è vidlonder da stgaiffir la trasparenza necessaria per sviluppar in model scientificamain cumprovà ed unifitgà per valitar l'efficienza da talas novas furmas da terapia. Quellas ston la finala pudair cumprovar e garantir ch'ils novs medicaments han efectivamain er in niz per ils pazients. Quai n'è dentant fin quà betg il cas. Cun la consequenza ch'adina dapli metododas da tractament bandunan en cadenzas adina pli frequentas la lavur da perscrutaziun senza tschentiar la dumonda malempernaivla davart la proporziun tranter niz e custs en vista a l'adossament da quels a las cassas da malsauns.

**L**a necessitad d'agir è urgenta. Dumandads en tant ils sviluppaders da ta-

las terapias sco era las autoritads federalas. Sche nus lain pussibilitar er en l'avegnir a pazients grev malsauns l'access spert a novas metododas da tractament ed en il medem moment era betg periclitlar finanzialmain nossas cassas da malsauns ston ins chattar urgentamain models d'indemnisaziun raschunaivels. Consequentamain ston tals models sa basar sin consideraziuns da custs, niz ed efficienza. Imaginabel fiss per exempel da fixar indemnisaziuns dependentas dal success da las terapias. Dumandada en quest connex è dentant era la confederaziun. Quant ch'il progress medicinal dastga la finala custar è ina dumonda da la societad che pretenda ina resposta politica. Il process d'adattaziun zunt stentus da la basa legala e da las ordinaziuns correspundentas sa muntar che quel na sa betg tegnair pitg cun il progress continuà sin il sector da la medischina persunalisada. Quai pudess «l'artitgel d'experimental», prevì en il plan da mesiras per reducir ils custs da la sanadad publica dal cussegl federal, esser in'opziun pussaivla. Almain per fullar via al svilup da la medischina persunalisada cun models d'indemnisaziun innovativs, er ordaifer il rom da la lescha davart l'assicuranza da malsauns.

**L**'assicuranza da malsauns è fatga per il bainstar da la populaziun. Berna sto perquai chattar soluziuns che pon satisfar a las imaginaziuns da las burgaisas e dals burgais.